

第五部 下

中医古籍抢救工程项目

国家重点基础研究发展(973)计划项目

『十一五』国家重点图书出版规划项目

温病大成

总主编 曹洪欣

福建科学技术出版社
FUJIAN SCIENCE & TECHNOLOGY PUBLISHING HOUSE

总目 录

清代医案	肖永芝	曹丽英	吴文清	整理
3	吴氏医验录	吴楚	著	
5	旧德堂医案	李用粹	著	
7	东庄医案	吕用晦	著	
9	素圃医案	郑重光	著	
14	印机草	马元仪	著	
16	其慎集	周南	著	
18	沈氏医案	沈璠	撰	
38	瞻山医案	任贤斗	著	
44	潜邨医案	杨云峰	撰辑	
47	临证指南医案	叶桂	著	
86	眉寿堂方案选存	叶桂	著	
114	洄溪医案	徐大椿	著	
118	扫叶庄医案	薛雪	著	
124	顾西畴方案	顾西畴	医案	
138	古今医案按	俞震	纂辑	
144	太史医案初编	黄宫绣	著	
152	南雅堂医案	陈念祖	著	
177	杏轩医案	程文囿	著	

192	何元长先生医案	何元长 著
194	齐氏医案	齐秉慧 纂著
197	孔氏医案	孔继葵 著
206	九峰医案	王之政 著
215	九峰医案	王之政 医案
222	吴门治验录	顾金寿 著
227	三家医案合刻	叶桂 薛雪 缪遵义 著
231	评点叶案存真类编	叶桂 著 周学海 类评
249	叶氏医案存真	叶桂 撰
272	仿寓意草	李文荣 著
276	临症医案笔记	吴箴 著
288	珠邨草堂医案	张梦庐 著
334	启蒙医案	程阳 著
338	王氏医案	王士雄 著
379	尚友堂医案	方略 著
384	评选爱庐医案	张大曦 著
389	问斋医案	蒋宝素 著
412	李氏医案	李成荣 医案
444	世济堂医案	何书田 定
449	花韵楼医案	顾德华 撰
453	心太平轩医案	徐锦 著
460	医案集存	徐娱庭 方案
472	顾雨田医案	顾西畴 著
506	王氏医案三编	王士雄 治验
527	医案偶存	李铎 著
557	曹仁伯医案论	曹仁伯 遗著
563	乐山先生遗案	吴元书 编
566	得心集医案	谢星焕 著
580	医案梦记	徐守愚 著
587	纪效新书	黄云台 著
598	医案	吴达 著
613	治验论案	杨毓斌 著
622	温氏医案	温存厚 著
626	一得集	心禅 著
635	外证医案汇编	余听鸿 编辑

640	青霞医案	沈登阶	著
649	医案类录	罗定昌	稿
652	紫来堂方案	沈安伯	方案
662	金子久医案	金子久	撰
693	诊视要编	李桂庭	手集
707	王旭高临症医案	王旭高	著
740	诊余举隅录	陈廷儒	偶笔
746	倚云轩医案	方仁渊	案
757	治疾日记	黄誉邨	手稿
776	评选环溪草堂医案	王泰林	著 柳宝诒 选评
791	评选继志堂医案	曹仁伯	著 柳宝诒 选评
793	崇实堂医案	姚龙光	著
800	评选静香楼医案	尤怡	著 柳宝诒 选评
802	诊余集	余听鸿	著
808	医案	赵廷玉	编
816	吴古年先生方案	凌晓五	辑
818	分类医案	佚名	
822	急治汇编	张和葵	著
827	也是山人医案	周小农	订正
835	张履成先生医案	张履成	撰
837	医案两种	佚名	
845	评点马氏医案印机草	马元仪	著 周学海 评注
853	医案	佚名	
903	医案备览	红杏村人	著

912 民国医案..... 王致谱 肖永芝 曹丽英 吴文清 整理

915	七家会诊张越阶方案	黄寿南	整理
922	丛桂草堂医草	袁焯	著
933	诊视要编续集	李桂庭	改批
939	惜分阴轩医案	周小农	述
990	吴鞠通先生医案	吴塘	撰
1028	王氏医案绎注	王士雄	医案 石念祖 绎注
1144	重古三何医案	何元长 何其伟 何长治	撰
1146	张聿青医案	张乃修	著
1188	黄澹翁医案	黄述宁	著



- 1190 蜉溪医案选摘要 陆咏嫫 辑
1204 陈莲舫医案秘抄 董韵笙 编
1207 遯园医案 萧伯章 著
1211 徐氏医案 张元瑞 录
1222 曹沧洲医案 曹沧洲 著
1232 金氏门诊方案 金子久 诊
1234 凌临灵方 凌晓五 遗著
1243 许氏医案 许恩普 著
1244 医验随笔 沈奉江 述
1249 证验随笔 胡巨瑗 辑
1250 刘氏医案 刘少方 撰
1252 药盒医案全集 恽铁樵 著
1306 临证笔记 恽铁樵 著
1313 云深处医案 陈在山 撰
1332 医学杂俎 陈在山 撰
1334 孟河丁甘仁医案 丁甘仁 著
1370 鲍竺笙方案 鲍竺笙 著
1375 清代名医医案菁华 秦伯未 编纂
1385 湿症金壶录 谢抡元 撰
1389 顾膺陀诊余集 顾膺陀 著
1400 袁春庐医案 谢抡元 撰
1402 (当代) 全国名医验案类编 何廉臣 编
1741 医案摘奇 傅松元 著
1754 病案实录 王仁叟 编
1758 洄溪医案唐人法 黄恩荣 撰
1765 邵兰荪医案 邵兰荪 原著
1785 (当代) 全国名医验案类编续编 郭奇远 编
1814 何澹安医案 何澹安 著
1815 张畹香医案 张畹香 原著
1827 白疹秘钥 陈渔洲 著
1859 医案选粹 冯伯贤 编
1880 施今墨医案 施今墨 原案 祝慎馥 选著
1897 医案 蔡陆仙 编
1905 泊庐医案 汪逢春 撰
1936 圣余医案詮解 李俊 著

七家会诊张越阶方案

高紫垣 曹沧洲 陆方石 鲍竺生

吕仁甫 王虞云 陈莲舫七君

先后同看

黄寿南 整理

《七家会诊张越阶方案》成书于1914年。本次整理以《黄寿南抄辑医书二十种》为底本。

十月初六日，高紫垣拟

少阴不足，阳明有余，外感温邪，遂致间日热发，神蒙糊语嗜卧，口渴急饮，溲遗，形如痺疟。诊脉右寸浮数而弦，左寸关弦数而细，舌苔中黄边白。拟滋清为方。

干葛 干霍斛 知母 麦冬 象贝 鳖甲 连翘 熟石膏 陈皮 竹茹
青蒿 乳石菖蒲

同日，曹沧洲拟方

病起八日，表热间日盛，衰退不能净。昨迷蒙气促，今困乏，腰脊重着，脉左细弦，右滑数，舌燥黄，口渴。内伤外感，因病表邪、痰浊交纽，最防热剧生波。

干霍斛 前胡 天竺黄 姜竹茹 赤芍 大豆卷 郁金 制南星 象贝母
桑枝 紫贝齿 蒺藜 干菖蒲 佩兰叶

初七日，高紫垣二诊

宿体阴虚不旺，近挟温邪，发热神蒙口渴，间日一发，形如痺疟，嗜卧倦言，此由正虚邪恋。诊脉细软，舌苔黄燥起刺，势防正不胜邪，致内风暗动，有痉厥之虞，方扶正而祛邪。

人参须 知母 橘白 连翘 干霍斛 花粉 平川贝 麦冬 干葛根 朱
茯神 丹皮 生草 龙齿 鲜石菖蒲 鲜竹沥

初八日，高紫垣三诊

昨进扶正祛邪，神识已清，苔转白糙带黄色，右脉寸关亦起，惟左部尚嫌

细软，口渴便结。此正气稍振，邪转外化之象，甚为吉兆。拟仍本前法增减方。

上方去知、葛、菖、龙、花粉、丹皮、甘草，人参须用一钱、天冬、宋夏、通草、制胆星、石决明、佩兰叶。

初九日，高紫垣四诊

两脉稍觉振起，惟重按止觉无力而软弱，苔色糙白中黄，无未化，神倦嗜卧懒言。究由正虚邪恋未净，仍拟扶祛邪。“扶”字下当落“正”字。

参须 姜半夏 橘白 茯神 麦冬 平川贝 牛黄清心丸

初十日，高紫垣五诊

舌苔已化黄色，目珠旁亦现微黄。此湿热之邪从内外达，至嗜卧倦言，亦为太阴、阳明湿热交蒸，清阳陷于浊阴之中，是宜淡渗芳香，以解湿涤热。调养旬余，自能向安。

熟石膏 茵陈 腹皮 广皮 炒梔 块滑石 枳实 通草 猪苓 瓜蒌皮 干葛根 竹茹 知母 佩兰叶

十一日，高紫垣六诊

苔黄白燥，脉涩。仍宜本前加减。

上方去枳实、腹皮、茵陈、猪苓、炒梔，加入象贝、石菖蒲、甘菊、玄参心、连翘心。

高紫垣夜来续诊

清气不升，浊气不降致呃逆。丁香柿蒂汤用之。

柿蒂 丁香浓煎 另刀豆子

十二日晨，陆方石初诊

阴气先伤，阳气独发，小寒但热，是为瘧症。疟发，神蒙懒倦，昨又呃逆频作，舌焦黄无液，小溲不禁，脉弦数，左尺不敛。正阴将溃，邪渐化热，恐有厥脱之变，拟扶正存阴。

人参 麦冬 牡蛎 橘皮 川贝 旋覆花 风斛 阿胶 白芍 竹茹 炙草 朱茯神

十二日晚上，鲍竺生初诊

阴气先伤，阳气独发，初起瘧症之发，神蒙。昨增呃忒气逆，神疲，舌少液，苔糙白罩灰，小溲不禁，脉右数促无序，左尺不敛。真阴将溃，敬谢不敏，勉拟复脉加减。

就陆方去旋覆花，入桂枝三分，拌炒白芍、生地、姜渣。

十三日巳刻，陆方石二诊，吕仁甫初诊

伏邪半月，由瘧症而起，渐致热势模糊，神志不慧，呃逆，肢体震动，音低语懒，舌糙黄，根垢少泽，大便或溏或闭，小溲不禁，脉数促，左尺不敛。邪未透达，正气将溃，拟守成法，以图万一。同仁甫先生议方。

炙草 风斛 龙齿 白芍 茯神 橘皮 人参 麦冬 牡蛎 阿胶 川贝

竹茹 都气丸

鲍竺生十三日夜诊

读药方美善兼备，拙拟坎离既济，意为止呃计，未识是否。

上肉桂 川连 炙草

研末饭丸，徐徐送下。

十四日巳刻吕仁甫、陆方石同诊

呃逆，全身震动，神情沉沉默默，懒于应对，舌黄糙灰厚垢，身肤灼热，左脉陡转微细，尺虚，右脉滑数，洩仍不禁。此系元海根松，阳明热恋，防正邪将脱。同方石兄议方。

人参 川连 白芍 紫石英 橘皮 麦冬 牡蛎 炙草 辰茯神 竹茹
阿胶 龙齿 川贝 都气丸

十四日夜，鲍竺生续诊

脉右部陡然滑大，重取则数，左弦，尺不耐按，舌苔黄罩灰，呃逆，全身振动，神情沉沉默默，元海根松，阳明热恋，询确论也。候山庄仁丈、方石仁兄教正。

上方去连、橘、石英、都气丸，入细生地、风斛。

十五日巳刻，陆方石、吕仁甫同诊

神情更倦，欲言则气冲作呃，呃时全身振动，脉右部滑大，尺数，左尺沉细。枢纽不固，势将悠悠转脱。勉拟方，同仁甫先生议。

人参 五味 沙苑子 麦冬 熟地 阿胶 紫石英 茯神 蛤蚧尾 牡蛎
白芍 炙草

十五日夜，鲍竺生续诊

病十七日，少阴之阴先伤，阳明之热内炽，气冲作呃，呃之时全身振动，脉右部错综无序，左尺振动，舌苔罩灰，神情更倦，悠悠转脱，可虑之至，再谢不敏。

上方去地、蛤、沙、神、石英，加风斛、龙齿、川贝。

十六日，王赓云主笔，同仁甫、方石荣甫同诊方。

人参 阿胶 紫石英 白芍 杞子 熟地 麦冬 牡蛎 乌梅 沙苑子
坎炁 川贝 茯神

十七日巳刻，王赓云、仁甫、方石同诊

彻夜肢汗，黎明转热，便下溏垢，神思较昨略振，呃逆震动稍缓，脉左三部弦数，右关略振，两尺渐起，舌由厚化薄，尖绛。少阴之气得定，阳明之热尚恋。仍防反复，同仁甫先生、方石仁兄拟从本达表主治。

上方去地、梅、杞、坎，加风斛、炙草、橘白、竹茹。

十七日暮，珠街阁陈莲舫初诊

湿温病两旬，寒热至今未曾分明，渐起呃逆逆忒，若有声，若无声，浑身

振动，其象自下至上，上乃窒塞勿通，神志亦不甚清楚，言语謇涩，面晦神疲，大便昨解，色黑，小溲或利或不禁。诊脉轻按、重按俱微，中按弦滑，左细数，寸尤甚，舌光少液。症属火伙邪，起因内风暗动，与痰邪郁遏，中焦升降不得，持其权上下，遂为失其利。现在邪势仍未定解，而气液被伤，则邪无出路，必至正气自为消耗。脉症合参，用药之议，以中焦为主脑，令风痰有运化之机，则上下关键，始能交纽。拟益中以化痰，和液以息风，参以纳而不滋腻，填而不损气机。

人参 云磁石 化橘红 金石斛 朱茯神 蛤蚧尾 法半夏 生白芍
远志 杏仁 伽南香 牛膝 梧桐花 竹茹 枇杷叶

后进黑锡丹。

十八日巳刻，陆方石主笔

服黑锡丹，呃平，半夜又作，寐中呻吟，舌光剥少液，尖刺，大便溏而色黑，胸膈气机不舒，语言舌强，脉左弦细，右关滑数。下焦关键不固，中焦痰热凝聚，厥脱大险，转瞬可虞。同莲舫、仁甫先生拟方。

人参 紫石英 白芍 青铅 旋覆花 风斛 牡蛎 川贝 杏仁 枇杷叶
蛤蚧尾 龙齿 竹茹

又夜，陈莲舫续拟

高丽参 沉香 姜汁 人乳 竹沥 橄榄汁

十九日，陈莲舫主笔诊

脉弦大滑，或细软而滑无定，大致由寒热之盛衰。舌或灰干，或白润无定，亦由寒热变迁。症起于夺精损阴，豪饮伤气，遂为元海失镇清肃，膈郁甚，为上热下寒，即上实下虚。脉虽无定，舌虽无定，病总属有定，肺肾既不相生，中焦痰浊、内风煽烁，乘机皆作，似呃非呃，浑身振动，贲门窒塞欲噎，而致出声均为妨碍，纳不思而大便屡通，正元如何能支？既蒙长途爱招，又与省中诸高明再三商议，拟顾阴顾阳，清上纳下，仍参升降中焦痰浊方，备方石先生同议。

人参 沙苑子 杞子 法夏 菟丝 陈皮 生地 五味子 杜仲 麦冬
白芍 竹茹

二十日巳刻，吕仁甫主笔诊

昨虽志宁有眠，便未续溏，身发热之先，指端微寒，及今势未解，脉右软弦数滑，左部软数，舌薄淡白，渴不饮，呃逆振动依然，乍作乍止。得仍从由里达表，冀其邪正分途，不致转虚为幸。同莲舫先生、方石仁兄议。

人参 白芍 橘红 蒺藜 风斛 竹茹 苏梗 半夏 炙草 朱赤苓 枇杷叶

二十日夜，陈莲舫续诊

九点钟候脉，右关尺濡浮，寸部促滑，左三部沉细，无神无力，舌苔白而

润，面见眇色，仍似呃似痉，胸脘转气不舒。大致邪势渐少，中央中气大损，防上下不扭，就脉症合论，不得已，鼓舞中气而摄上下。

人参 半夏 金石斛 五味子 肉桂 陈皮 沉香屑 白芍

二十一日巳刻，陆方石主笔诊

昨晚正气又夺，呃逆乍作乍停，表热未净，喉关白腐作痛，口有糜点，舌浮白，小溲赤少，脉右部滑数无力，左关不匀，尺软，腹鸣，大便未行三日。正阴不立，邪渐化热，只得内和，脏气不能外夺，冲气仍在险途也。同仁甫、莲舫先生议。

人参 玄参 阿胶 风斛 茯神 生草 生地 麦冬 白芍 龟甲 川贝
黛拌灯薪

另用珠黄散、冰硼砂吹喉，野蔷薇露漱口。

二十二日，陈莲舫诊

今晨诊脉，右部弦滑俱殊，数象亦和，左细软，关部三五不调已去，舌糜前半尽脱，而后中尚见黄苔带灰。服药后似有转机，足征小庄、方石先生见症的确，非常钦佩。惟症情朝暮不同，未识至暮间如何。现在呃忒已稀，神志亦清，口味喜甜，小溲已长，大便不行，能转矢气，似中焦升降之气徐徐得下，或生液除热，鼓动胃纳，从此逢凶化吉。拟步高方，先为录呈，仍请斧正。

人参 霍斛 玄武版 白芍 玄参 生地 阿胶 光杏仁 川贝 生草
神茯苓 麦冬 橘白 灯心

风来煎汤代水。

吕仁甫、陆方石加西洋参、柑橘叶。

又酉刻，王赓云诊

捧读前方，美善尽备，可为无微不至矣。顷诊脉右部滑，左细软，两尺尤甚，重取无力，舌薄白，中央罩黄，呃逆频频，口糜已去，惟正阴薄弱，仰仗仁、莲、方三翁，大力挽回。

生地 麦冬 川贝 马勃 生草 参条 首乌 茯神 赤芍 磁石

二十二日，灯下陈莲舫诊即行矣

朝暮诊脉而有两歧，今十点钟后，脉来右寸部最大，带浮带弦，肺家郁热未和。关较前又减，重按少力，大致痰湿渐次得泄，痰从上吐，湿从便解。头为中气之馁，左寸浮数不静，心经亦有余热。关尺软细甚佳，惟脉之所以大而不敛者，均由寒热为转移，晨平暮发，有自来也。舌仍前光，后带腻，呃忒有减无增，口渴不甚多饮，小溲尚通，大便连日未行，究无谷食而化，神疲嗜卧种种，诸邪分散后，气虚液伤。鄙见。嗣后，热象减去一分，清滋之药，与之俱减，令胃气转苏，以果谷生津益气，乃为上乘文字。在小庄、方石两先生，自有卓见，无庸赘说，而临别赠言，藉以为卸肩妙术也。以博一笑，并请采商。

党参 女贞 霍斛 银胡 甜杏 生地 西洋参 料豆衣 茯苓 橘白

川贝 枇杷叶

灯心数寸，另以淡秋石泡汤，煎吉林参钵许，随服，或另服亦可。

二十三日，陆、吕同诊

伏邪不从表达，与阴相混。昨又寒振发热，彻夜无寐，呃逆振动，时作时止，脉右软数滑，左部微细，舌薄黄尖刺，少阴不纳，肺胃痰热为恋，恐其正邪并脱，拟略标从本之法。吴氏治呃以小定风珠主之，今宗其意，同小庄先生议。

阿胶 紫石英 人参 炙草 料豆衣 龟版 鸡子黄 白芍 麦冬 川贝 玄参 牡蛎

二十四日，吕、陆同诊

误表伤正者，正立则病去，失表伤正者，正立则病在，是以寒热间作。今属三度，虽微汗而手掌热不退净，热时呃逆、振动与之俱发，此即邪正争权也。舌厚白，痰黏，吐咯无多，脉滑。同方兄拟。

人参 牡蛎 橘白 阿胶 茯神 鳖甲 制半夏 杏仁 白芍 竹茹 青蒿 平川贝 料豆衣 金石斛

二十七日，陆、吕同诊

正气稍能自立，伏邪蕴蒸不彻，日晡微寒热发，间日而作。时呃震渐定，神倦胸痞音低，舌尖绛少液，根苔浮白，脉滑数左软，小溲赤臭，略有咳嗽，仍不离乎原虚邪意也。同仁甫先生议。

参须 知母 川贝 橘白 生草 风斛 桑叶 杏仁 竹茹 通草 玄参 丝瓜络 枇杷叶

二十九日，吕、陆同诊

昨复得大便溏垢，兼有乌色小粪，豫时腹痛鸣响，小溲色黄，脘痞如旧，身热渐微，神倦怠言，舌根白厚带剥，口泛甜味，胃不思谷，脉情如昨。正阴初复，伏邪外露，热与湿共，用药随症时退。同方兄议。

金斛 米仁 郁金 杏仁 佛手 谷芽 陈皮 制半夏 通草 香附 茯神

十一月初二日，吕、陆同诊

昨日^{〔1〕}午后，复有形寒身热，至夜半神疲有寐，曙色时热遂自退解。病者自述寒时不觉其寒，热时不觉其热，此正虚邪恋之据也。舌花白根腻，尖际光剥，稍见糜点，胸膈未能全纾，胃纳呆，右脉软弦数滑，左软弱。症逾匝月，正原惫殆，邪势隐约不穷，痰浊未免相混，气失调和，究恐正邪两败。同方兄议。

参须 蒿子 米仁 陈皮 朱茯苓 佛手 风斛 杏仁 郁金 川贝 蔷薇花 谷芽

〔1〕 日：原作“后”，据文义改。

初四日巳刻，陆方石诊

腑气续行，小溲赤臭，脉软数左细，舌花白少泽，上腭糜化。正阴方立，热气乃透，邪势方衰，正阴又虚，拟略标重本为法。

参须 白芍 麦冬 蛤粉 阿胶 茯神 风斛 生地 川贝 稻根须 橘白

吕诊加蔷薇瓣、生蛤壳。

初五日巳刻，吕、陆同诊

余邪解后，虽进糜粥数次，全无味美馨香，舌苔依然花白，剥处不致露地，中际光而淡绛。昨晚脘腹复胀，致鲜宁寐，大便欲续通而未行，右脉软数滑，左仍细数。病久正阴未立，脾胃运化机迟，气失调畅。此时以阴膩药饵暂为删去，略参调中疏运。同方兄议。

参须 陈皮 香附 郁金 扁豆衣 风斛 沉香曲 川贝 柏仁 甜杏仁 茯苓 丝瓜络 稻根须

初七日，陆方石诊

脉象如昨，稍浮，舌白尖绛，矢气频臭而便不行。大病初复，肠液不充，渣滓运送转迟。踵前法，参以增液。

参须 柏仁 茯神 稻根须 川斛 玄参 甜杏仁 川贝 扁豆衣 首乌藤

是日，吕仁甫加案

夜寐肢馁，肌肤间尚觉微热，耳鸣，起坐眩晕，舌苔浮花白，尖绛液润，胃仓频进糜粥美谷，渐觉馨香，脉情如昨，频频臭秽矢气，便未行。此时以静息自珍为要事也。尊方大备，僭易一二味，未识合否。

上方去首乌藤，加鲜生首乌、料豆衣、石决明、白芍。

（肖永芝 周敏 整理）

丛桂草堂医草

江都袁焯桂生 著

《丛桂草堂医草》成书于1914年。今据1915年著者自刻本进行整理。文中标题为整理者所加。

卷 一

袁尧宽案

庚戌四月广安祥糖栈，袁尧宽君患温病，初由章绶卿君诊治，服药数剂，病未大减。嗣章君往江北放赈，转荐予治。壮热谵语，见人则笑，口渴溲赤，每日只能进薄粥汤少许。舌苔黄薄而干燥无津，体胖，脉息滑数，右部尤甚。盖温病也，热邪蕴伏日久，蓄之久而发之暴，故病情危重若是。治法当以解热为主，而佐以豁痰润燥。方用三黄石膏汤，合小陷胸汤，去麻黄、豆豉、半夏，加贝母、连翘、青蒿、梨汁。接服二日，热未大退。至第三剂后，乃作战汗而解，但余热未清。复以前方去石膏、芩、连、瓜蒌，加苡仁、滑石、芦根、花粉、沙参等清化余邪，数剂而瘥。凡温病之解，多从战汗。刘河间、吴又可发之于前，叶天士、王九峰畅之于后。证以予所经历，洵精确不易之学说也。盖前人于此，皆从经验中得来，惟必俟服药多剂，始能奏功。而作汗之时，必先战栗，其状可骇，医家当此，何可无定识定力耶。

金峙生令堂案

金峙生君令堂，年近五旬，发热身痛，舌苔白腻，溲热，胸闷，脉滑。予初以三仁汤加连翘、山栀，接服两剂，热愈甚，口渴心烦，舌苔转燥，脉亦转数。盖伏邪病热，邪蕴伏甚重，遂易方。以黄芩、瓜蒌、地骨皮、青蒿各三钱，连翘、知母各四钱，木通一钱，银柴胡二钱，芦根、茅根、鲜生地各一两，梨

汁一酒钟和服。一剂热少平，二剂后，病人忽战栗恶寒，震动床帐，盖欲作战汗也。病家误会，谓药之误，议延他医。幸其弟陶骏声君来告，速予往救。予谓此战汗也，病退之机，不可妄动。及予至其家，则战栗已止，身出大汗，而脉静身凉，神气亦甚安静，但觉疲倦而已。随用薄粥汤与饮，以扶胃气，并以沙参、麦冬、百合、苡仁、石斛、花粉、甘草、茯苓等，调养两日而痊。

史汉泉案

庚戌四月，史汉泉君患温病。昏沉不语，面垢目赤，鼻孔如烟煤，壮热烁手，汗濺濺然，舌苔黑燥，手臂搐搦，两手脉数疾，洩赤。问不能言几日矣，曰：昨犹谵语，今始不能言。然大声唤之，犹瞠目视人。问近日大便通否，曰：始病曾泄泻，今不大便已三日矣。问服何药，则取前医之方示予。盖皆不出银翘散、三仁汤、增液汤之范围。予谓此热病未用清药，阳明热极胃家实之病也，非下不可。乃与调胃承气汤，合三黄石膏汤，去麻黄、豆豉，加犀角、萎仁。接服两剂，竟未得下。惟矢气极臭，洩色若血，神识较清，而身热、舌黑如故。原方去元明粉、大黄，加鲜生地，并令恣饮梨汁、莱菔汁。于是热减神清，黑苔渐退，脉息亦较平。时吐黏痰，目睛转黄。遂改用小陷胸汤加芦根、茅根、青蒿、菖蒲、竹茹、贝母、冬瓜仁、木通等芳香清冽之品，以分消膈中痰热。接服四剂，胸部头项间遍出白痞，如水晶珠，腹部腿畔亦发白痞。于是身热全清，知饥进粥，但精神疲弱耳。复以西洋参、麦冬、石斛、苡仁、贝母、竹茹、枇杷叶等调养数日，始解黑燥屎数次。当时两进大黄，而不下者，盖其戚友中有知医者，潜将大黄减去一钱，每剂只用二钱，故但有解毒之功，而无攻下之力，而奏效亦较缓也。然究胜于粗工之滥用硝黄，而僨事者矣。

姚某子案

姚某子，十五岁。三月间由学校归家，自觉恶寒欲睡，旋即发热头痛，身痛谵语，不能识人。按其脉滑数，洩赤。当以梔豉汤、银翘散出入为方。下午四时复诊，神昏谵语如故，身热自汗濺濺然不止，面赤口渴欲饮水。脉息滑而不数，舌苔薄腻，不黄不燥。因思《伤寒论》云：阳明病，发热汗多者急下之，而面赤神昏，又皆当下之症。遂改用小承气汤。大黄三钱，厚朴五分，枳壳二钱，加黄芩、连翘、知母各二钱。服后解大便两次，神清安睡，汗止热解，自能起坐，知饥欲食。其家以为病愈，不复延诊。越三日，复发热有汗，口渴，脉滑数。与白虎合小陷胸汤，石膏用三钱。服后热退神清，惟咳嗽痰中带血而已。复与泻白散加黄芩、知母、茅根等，二剂全愈。

张兆魁室人案

张兆魁君室人，年约三旬，体质瘦小。发热谵语，口渴心烦，欲食冷物，胸闷洩热。舌苔黄腻不燥，两脉俱数。与小陷胸汤加柴胡、黄芩，不效。烧热益甚。遂改用凉膈散，大黄、元明粉各用三钱。服后得下两次，并得战汗而热全退，惟精神萎弱，懒于言动。复以党参、麦冬、枸杞子、干地黄、黄芪、炙甘草等补养气血之药，两剂而起居饮食如常矣。

陈祝山案

鸿泰糖棧陳祝山，年約三旬。今年七月患伏暑病，延某醫診治，服藥四五日，不效。壯熱头疼，胸悶咽喉作燥，口渴，舌絳苔薄，焦燥無津，大便七八日不通，溲赤脈數。蓋暑熱蘊伏腸胃熱結之病。治法當先通大便，以解腸胃之焚。乃以生大黃二錢，元明粉三錢，枳殼、黃芩、麥冬、天花粉各二錢，甘草五分。此藥服後，得大便兩次，熱全退，頭痛亦輕，舌苔轉白膩，脈緩不數，小便仍紅，知飢欲食。乃易方以連翹、苡仁、佩蘭、花粉、沙參、貝母等以解余邪。越兩日，又復發熱口渴胸悶，是余邪欲出也。以小陷胸湯合小柴胡湯，去人參、姜、枣，加連翹、青蒿。接服兩劑，得汗而安。大凡應用硝黃之病，決非他藥所能代，若畏而不用，必致纏延誤事。但須辨認真切，用之有方，不可顛預孟浪耳。

孀婦案

丁未夏月，予游吳門，適該處霍亂流行，死亡接踵。有神仙廟旁紙店孀婦，亦染此病，吐瀉交作。醫投五苓散、玉樞丹、附子理中湯、左金丸等法，入口即吐。已延三日。視其目陷形消，四肢逆冷，心煩不能安臥，口苦渴欲冷飲，舌紅根有膩苔，頭有微汗，兩脈皆數，重按無神。蓋暑病也。與黃連香薷飲，去厚朴，加苡仁、蚕沙、半夏、石斛、沙參、黃柏、枇杷葉。服後吐止神安，手足轉溫。二劑利減，能進粥湯。嗣以前方去黃柏、蚕沙，減輕川連。利止，惟心悸、腰酸頭暈，精神疲憊，不能起坐，兩脈細小。此病去而氣血虛也。以西洋參、白朮、石斛、山藥、杜仲、枣仁、茯神、當歸、甘草、紅棗等，調補三日而痊。

程姓少年案

蘇州閶門外營盤場，有程姓少年，亦病霍亂。吐瀉不已，煩躁畏熱，身無寸縷，而猶畏熱異常，欲臥冷地，四肢悉冷，胸腹部亦均不熱，口渴欲食西瓜，小便短赤，頭項微汗，腳腓痠攣。脈息寸關俱數，舌苔黃燥無津。此暑熱內伏，熱深厥深，內真熱而外假寒之病也。乃以白虎湯合黃連香薷飲，去厚朴、粳米，加麥冬、苡仁、石斛，陰陽水煎。一服吐止，再劑利亦止，而煩渴亦大定矣。惟肢體尚冷，囑以稀粥與飲。安睡一夜，體溫遂復常度。於是但以飲食調養，不勞他藥而瘳。

徐某案

徐某，年約三旬。秋間陡患腹痛吐利，發熱口渴，煩躁不安。舌苔黃膩，脈息滑數。蓋暑濕蘊伏中焦，腸胃中有宿滯也。與黃連香薷飲合平胃散。一服吐利止，身熱退。接服一劑，知飢欲食矣。大凡黃連石膏之病，其舌苔必黃膩，或黃燥，其小便亦必紅赤。若小便清長，舌光無苔，則膏、連二藥皆為禁劑。蓋舌質之光否，可覘胃臟之虛實也。

朱姓子案

朱姓子，八歲。秋間病霍亂。吐瀉，手足悉冷，口渴欲飲水，目陷形消，

不食不饥。舌苔黄膩，脉息小数。用姜汁炒川连三分，法半夏一钱，扁豆三钱，苡仁三钱，木香五分，北沙参二钱。服后吐泻止，手足温，舌苔亦退，能进稀粥，但口渴殊甚。遂改用麦冬、天花粉各一钱五分，北沙参二钱，白术一钱，苡仁、扁豆各三钱，两剂瘥。

卷 二

金平卿哲嗣案

金平卿君哲嗣，年八岁，体质素瘦。今年三月出痧，痧后又生泡疮，至六月初旬，又病喉痧，发热咽痛。初由西医蒋某治之，用冷水浸毛巾罨颈项，又用水浴法，及服安知必林，与盐剥水嗽喉等法，均无效，病势益剧。其岳家童姓荐予治，时六月十五日也。身热，咽喉两旁上下皆溃烂腐秽，舌红无苔，口渴，溲黄，脉息软数。盖阴液大亏，热邪燔灼于上焦也。热不难解，惟咽喉全部腐烂而阴液亏耗，断非实症可比，危险已极。幸神不昏，呼吸不促，不烦躁，尚可挽救。拟方以增液汤为主，鲜生地一两，麦门冬、元参各三钱，加鲜石斛、金银花、连翘各三钱，黄芩一钱，天花粉二钱，知母一钱，甘草六分，作煎剂服，外吹锡类散。先用淡盐汤漱口，漱后吹药。金君自以寒暑针置病人口中验热度，已有一百零五度之高。予谓寒暑针虽能验热度之高下，然不能分虚实，万不可泥以论病。若只准寒暑针所验之热度以定治法，则当用三黄白虎。然就脉象、舌色而论，则不独三黄白虎不可误投，即西药中之退热剂，亦非所宜，否则危亡立见，噬脐无及矣。金君韪之，遂以予方煎服焉。

十六日复诊。四肢不热，身热亦轻，舌色红艳而光，毫无苔垢，大便通利，溲色黄浊，言语多，口不渴，彻夜不寐，喉烂如故，脉息虚数。原方去黄芩、花粉、知母、鲜生地，加西洋参一钱五分，枣仁、朱拌茯神各三钱，干地黄五钱，用百合一枚，煎汤代水煎药。

十七日复诊。舌上红色转淡，夜间能睡一二时，谵语亦减，咽喉上部腐烂较退，惟下部及隔帘等处，仍然腐烂。精神疲惫，脉息虚细无神。是气血大虚之候也，急宜培补。拟方以大补元煎合增液汤法。西洋参二钱，炒熟地炭三钱，干地黄四钱，怀山药三钱，朱染茯神四钱，麦门冬、元参、石斛各二钱，人中黄四分。吹药仍用锡类散，日吹数次。

十八日复诊。夜寐甚安，谵语亦止，稍能进粥汤，喉烂减退大半，脉息仍细弱无神。仍用原方，熟地加至四钱，又加莲子三钱，女贞子三钱。

十九日复诊。喉烂全退，用毛笔蘸水拭之，腐物随笔而出，全部皆现好肉，不比前数日之黏韧难拭矣。脉息亦较有神，而现滑象。舌色仍淡无苔。小便清，能进薄粥。仍用原方，熟地减用三钱，去石斛，加扁豆三钱。